

DOKUMENTI KONSULTATIV

Për projektligjin “Për prodhimin biologjik, etiketimin e produkteve biologjike dhe kontrollin e tyre”

Ministria e Bujqësisë dhe Zhvillimit Rural, në kuadër të procesit të konsultimit të projektligjit “Për prodhimin biologjik, etiketimin e produkteve biologjike dhe kontrollin e tyre”, mirëpret sugjerimet ose komentet nga qytetarët, ekspertë të fushës, nga të gjitha institucionet dhe subjektet e interesuara, organizata jofitimprurëse, shoqëria civile, të drejtat ose objekti i veprimtarisë të cilave ka të bëjë apo ndikohet në mënyrë të drejtpërdrejtë ose tërthorazi nga përcaktimet e kësaj nisme.

Kohëzgjatja e konsultimeve:

Konsultimet në portalin e Regjistrimit Elektronik: 20 ditë pune, duke filluar nga data __ Dhjetor 2023 deri më __ Janar 2024.

Si të përgjigjeni:

Kontributet që në kuadër të procesit të konsultimit dhe përmirësimit të përmbajtjes së projektvendimit, do të përcillen nga institucionet e interesuara nëpërmjet postës elektronike drejtuar Ministrisë së Bujqësisë dhe Zhvillimit Rural, me anë të regjistrimit elektronik në adresën <http://www.konsultimipublik.gov.al>, në adresën postare të Ministrisë së Bujqësisë dhe Zhvillimit Rural: Bulevardi "Dëshmorët e Kombit" Nr 2, AL 1001, Tiranë dhe në adresën e e-mailit të koordinators për konsultimin publik kjara.vogli@bujqesia.gov.al.

Kontakti:

Kjara Vogli , Koordinatore për konsultimin publik në MBZHR:
kjara.vogli@bujqesia.gov.al

Datat dhe vendet e takimeve publike:

E-Konsultimi: në portalin “Regjistri Elektronik për Njoftimet dhe Konsultimet Publike” 20 ditë pune, për periudhën __. __2023 – __. __2024.

Sfondi i propozimit legjislativ

Projektligji “Për prodhimin biologjik, etiketimin e produkteve biologjike dhe kontrollin e tyre” propozohet nga MBZHR, si një dokument politik i qeverisë shqiptare, me qëllim që të përcaktojë parimet dhe rregullat për prodhimin biologjik, lidhur me certifikimin dhe përdorimin e treguesve që i referohen prodhimit biologjik në etiketim dhe reklama, dhe rregullat për kontrollin zyrtar, që të sigurojë bazën për zhvillimin e qëndrueshëm të prodhimit organik, funksionimin efikas të tregut të brendshëm dhe garantimin e konkurrencës së drejtë, besimin dhe mbrojtjen e interesave të konsumatorëve.
Projektligji synon të arrihen disa objektiva:

- të kontribuojë për mbrojtjen e mjedisit dhe klimës;
- të ruajë pjellorinë afatgjatë të tokës dhe të kontribuojë për një nivel të lartë biodiversiteti;
- të kontribuojë për standarde të larta të mirëqenies së kafshëve dhe të nxisë ruajtjen e racave të rralla dhe autoktone në rrezik zhdukje;
- të nxisë zinxhirin e shkurtër të shpërndarjes dhe prodhimit lokal në zona të ndryshme të vendit;
- prodhimin e produkteve ushqimore me cilësi të lartë;

Me miratimin e këtij ligji, pritet të ketë një funksionim më efikas të sistemit të kontrollit dhe tregut të produkteve organike, rritje të numrit të operatorëve të prodhimit organik, komunikim dhe shkëmbim të informacionit midis autoritetit kompetent dhe autoriteteve të kontrollit, duke siguruar besimin te konsumatori për produktet e etiketuara ose reklamuar si organike.

Propozimet

Legjislacioni ekzistues, ligji nr. 106/2016, “Për prodhimin biologjik, etiketimin e produkteve biologjike dhe kontrollin e tyre” dhe aktet nënligjore në zbatim të tij, nuk sigurojnë funksionimin e duhur të sistemit të kontrollit dhe tregut të produkteve organike me qëllim sigurimin e besimit të konsumatorit për produktet e etiketuara si organike, prandaj ishte i nevojshëm përditësimi me kërkesat e legjislacionit të ri European.

Projektligji, i cili përafrohet rregulloren e Këshillit European 848/2018 “Mbi prodhimin organik dhe etiketimin e produkteve organike”, ka adresuar dhe përmirësuar disa problematika të hasura gjatë zbatimit të ligjit ekzistues, si më poshtë:

- Lidhur me produktet dhe substancave që përdoren në prodhimin organik, përveç listës së produkteve dhe substancave për përdorim në prodhimin organik plotësisht e harmonizuar me listën e BE-së, që miratohet me urdhër ministri, do të miratohet edhe lista pozitive e PMB-ve dhe plehrave që përdoren në bujqësinë organike nga komisionet për regjistrimin e PMB-ve dhe plehrave për tu përdorur në bujqësinë jo organike, që funksionojnë në Ministri.
- Procedura për njoftimin e aktivitetit (do krijohet dhe mirëmbahet databaza e bujqësisë organike për të gjithë operatorët nën sistemin e certifikimit organik, duke përfshirë edhe importuesit dhe eksportuesit) duke mundësuar informacion të më të gjërë për operatorët organik;
- Përfshirjet nga rregullat e prodhimit organik, do të miratohen nga Komisioni për prodhimin Biologjik, që funksionon në Ministri, ndërsa miratoheshin nga TK;
- Kriteret dhe procedura për miratimin e TK (janë shtuar dispozita dhe kërkesa për njoftimin e aktivitetit nga TK të cilat certifikojnë sipas standardeve organike të tjera nga ky ligj, me qëllim vendosjen e komunikimit dhe marrjen e informacionit nga këto trupa kontrolli);
- Përcakton sistemin e kontrollit për prodhimin organik dhe
- Kontrolli zyrtar dhe aktivitete të tjera (janë përcaktuar autoritetet përgjegjëse për kontrollin në çdo hallkë të zinxhirit të prodhimit organik dhe detyrat për çdo autoritet (Autoritetin Kompetent, Trupat e Kontrollit, Autoritetin e Kontrollit të Ushqimit) në përputhje me kërkesat e rregullores 848/2018/KE dhe nene të caktuara të rregullores 2017/625/KE;
- burimi i të dhënave për import-eksportin e produkteve organike, është dakortësuar dhe vendosur në ligj detyrimi për Autoritetet Doganore për të paraqitur këto të dhëna në bazë vjetore në Ministri),

- Unifikimi i katalogut të masave, i cili do të hartohet nga Ministria, ndërsa ishte nga TK);
- Rregullat e importit, është ngritur regjimi i importit ekuivalent me atë të BE-së, janë përcaktuar detyrat dhe detyrimet e autoriteteve të kontrollit (dogana, AKU, TK)
- Shkeljet administrative (gjoba) janë përcaktuar për herë të parë me qëllim mbrojtjen e përdorimit fiktiv/mashtrues të termave që i referohen metodës së prodhimit organik, në etiketim, reklamë.

Pyetjet

Reagimet që priten janë të hapura dhe parashikohet ngritja e pyetjeve specifike, të cilat kërkojnë përgjigje. Pyetjet dhe ceshtjet për diskutim që mund të ngrihen nga aktorët e përfshirë në sistemin e prodhimit, importit, eksportit, certifikimit, kontrollit ose konsumatorëve, të produkteve organike, janë lidhur me:

- Zbatimin e kërkesës për regjistrimin e aktivitetit dhe ndëshkimin me gjobë nëse nuk zbatohet, nga të gjithë operatorët ose grup operatorët e përfshirë në sistemin organik, të cilët prodhojnë, përgatisin, shpërndajnë ose ruajnë produkte biologjike ose në kalim, importojnë ose eksportojnë, ose vendosin në treg produkte të tilla
- Regjistrimin e aktivitetit edhe nga trupat e kontrollit që veprojnë në Shqipëri sipas standardeve të tjera për prodhimin biologjik,
- Kërkesat për importin dhe eksportin e produkteve organike;
- Përdorimin e logos kombëtare për prodhimin organik, për të gjithë produktet që prodhohen dhe vendosen në tregun shqiptar;